



My 99.-

Lb 18553







1620  
1620  
L'ENFER

ESTONNE;

A

L'ARRIVEE DES TROIS  
CARYONS.

9

M. DC. XX.

IX

de

Case

F

39

.326

THE NEWBERRY  
LIBRARY

1620emp



## L'ENFER EST ONNE

A L'ARRIVEE DES TROIS

Geryons.

**O** Mal horrible! ô dure destinee! ô hideux & espouvétable manoir, ô lieux effroyables, en quel desespoir nous voyés-nous plongez? ha, Mornaz, Mornaz, nostre pauvre lieu de naissance, hélas que direz vous de nous? ha, Mornaz, dire que tu nous rends mornez & esbahis, hélas, ô bon Comte de Lude que direz vous de nous, à qui vous avez tant fait de biens, & nous ingrats, perfides & mesconnoissans vous auons trahy, & nostre bon maistre l'Euesque de Carcassonne, que direz vous voyant nostre honteuse ruine? hélas, qu'il se fait mauuais fier à l'inconstâte fortune: elle nous a haufsez, portee sur nostre ambition, elle nous a mis à bas, faisant baston de nostre orgueil pour nous chasser en ce lieu d'éternelle misere: adieu Louure où nous faisons tout ployer soubz nous, où les Princes & grâds Seigneurs estoient bien aises d'approcher de uous pour se pouoir approcher du Roy, duquel la chambre estoit à nostre deuotion, à nostre puissance & commandement, & n'y laissions entrer que ceux qui ployoyent soubz le ioug de nostre tyrannie: ô grand Roy Louys vous serez estonné, d'ouyr nostre fin si lamentable, vous serez cōblé de merueille, quâd vous descouurirez nos

A ji

tromperies, nos ars pipeurs, nos charmes par  
 lesquels estions paruenus à si hauts honneurs,  
 voire dans vostre Louure, mais bien encor, ô  
 chose non iamais ouye, que de pauures & mi-  
 serables oiseleurs estrangers se fussent logez  
 au dessus de vostre chambre: ayent eu le cre-  
 dit & licence d'entrer en vostre cabinet, faire  
 les compagnons avec vous, emporter vos ri-  
 chesses, vous tromper effrontément: ha, Prin-  
 ces, qu'a bon droit vous chanterez & vous res-  
 iouyrez de voir ceste fin douloureuse & fu-  
 neste, de voir vostre Roy descharmé, nous som-  
 mes contrains de le dire & confesser, chacun  
 le sçait, & pource nous sommes condamnez en  
 ces lieux espouuentables, pleins d'horribles  
 supplices, d'eternel desespoir, de honte & infam-  
 mie: & toy ô France qui as tant esté affligée par  
 nostre venuë, hélas tu feras maintenant à no-  
 stre honte les feux de joye par toutes les places  
 & ruës, & diras par tous lieux & carrefours:  
 voila la fin de ces miserables, qui nous mena-  
 çoit de ruine, qui auoient occupé nos plus  
 belles places: & qui plus est par leurs faux don-  
 ner à entēdre, ont irrité le Roy cōtre nous, son  
 peuple, l'ont emmené loin, l'ont retiré du mi-  
 lieu de nous, pour nous le rendre ennemy au  
 lieu de pere debonnaire: ô sort: o misere: nous  
 voicy condamnez comme Promethees aux  
 supplices punisseurs de nos vices: nous auons  
 esté ces Zephiens Idumees, compagnons & as-  
 sociez du traistre & basanné Doeg: c'est à dire  
 fleurissans par son moyen, ses piperies & trom-

peries, nous n'auons eu aucune fiance ailleurs  
qu'aux vanitez, à l'orgueil, à l'ambition, aux  
honneurs, & principalement aux richesses,  
aux escus & quarts d'escus de la France que  
nous auons presque plumé par nos artifices,  
& de ceux qui nous faisoient la main, qui sont  
encor auprès du Roy, & que nous attendons  
icy: nous en receuons le guerdon & les fruiets  
de la Tragedie de Thyeste, o quel bruiet est  
cecy? qui sont ces pleureurs? ces crieurs? ces  
desesperez? estes vous point ceux que ie cherche  
pour faire entrer dás la barque de Charon? ha,  
canailles & vous estes encor icy? & Charon  
demeurera là à vous attendre? & allons, tror-  
tons, les crieries & les plaintes ne seruent de riē  
icy. il faut marcher: ha, miserables n'avez-vous  
iamais ouy parler de Mercure, messager des  
Dieux & de son valet Lyochares? c'est moy,  
qui parle à vous & qui ay charge de vous ren-  
dre à l'impiteux nautonnier qui vous face  
passer ces infernales paluz Stygiennes, pour  
aller boire d'autre vins que du Louure, ce sera  
de l'Acheron sans ioye, du Tartare hideux, du  
bruslant Phlegeton: du lamentable Cocyte, &  
du puant Auerne, ha pauures trompeurs &  
trompez, vous avez esté assez aduertis, on vous  
auoit conseillé vne autre voye & chemin as-  
seuré si l'eussiez sceu tenir: mais vous avez cō-  
me Phaëtons temeraires, voulu gouuerner le  
chariot du Roy, vous vous y estes voulu assoir,  
vous en estes bruslez & renuersez en ces lieux:  
vous avez faict comme Clymene qui pour



auoir voulu coucher avec Iuppiter tenant son fouldre en fut incontinent bruslee, vous en auez faict de mesme, o mal-heur.

Quatre choses principalement vous ont trompé, confessez-le trompeurs, i'ay veu vos ruses de loing & de pres, i'ay dit aussi tost que vostre cas iroit mal, & le voyez vous pas maintenant? le crier n'y vaut plus rien: le plaindre encor moins, les souspirs & les larmes ne sont que du vent en ceste cause: les trois Iuges en ont prononcé l'arrest irreuocable: le serment de leur arrest, est iuré par la paluz Stygienne: il n'y a plus de remede: la premiere des quatre choses principales qui vous ont trompé & seduit, ça esté la conuoitise insatiable d'auoir des moyens, d'auoir de pleins sacs de pistoles & d'escus, voire à millions, & aux despens de qui? de vostre Roy que vous auez trompé & de toute la France: & ce n'est de merueilles, car de pauures haires, de chetifs aubereaux & oyseleurs que vous estiez en vostre pays, vous auez voulu hauser trop à coup le breuet de vostre fortune qui s'est iouée de vous comme le chat de la souris: vos singes vous ont donné de la patte & vous ont fait la mouë & faloit il faire ainsi? vous estiez sorti de bas lieu & du tout chetif, & se faloit-il hauser ainsi tout à vn coup on dit aussi tost qu'on voit vn homme deuenu riche en moins de rien, ou qu'il s'est donné au Diable, ou qu'il est larron: vous le sçauiez, & tout le monde aussi: la seconde chose qui vous à perdus ça esté l'opinion qu'auiez



de beaucoup ſçauoir, mais vous-vous eſtes tropé, car ſe flatter ſoy-mefme, c'eſt ſe tromper qui eſt beaucoup pire que tromper les autres: & pauvres gens qu'eſt-ce que vous ſçauiez, où auez-vous eſté à l'eſcole? Mornaz, le long des buiſſons, attraper des nids d'oyſeaux: grimper ſur quelque arbre pour y deſnicher quelques pies, quelques Geays, quelques eſcurieux quelques linottes: voila vn grand ſçauoir, c'eſt mon, toutesfois vous auez eſté de fins & cauteleux marchands vous ne les euſſiez iamais ſceu tant vendre en voſtre pays que vous les auez vendus au Loure: La troiſieſme choſe qui vous a fait donner du nez par terre, ça eſté qu'ayans ainſi bien vendu vos denrees, vos oyſeaux & ſinges, vous vous donneriez carriere long-temps, vous vous promettiez de longues années pour faire vos affaires, & qu'aujourd'huy vous attraperiez vn benefice: demain vn autre: apres demain vne ſource de deniers, apres vn gouuernement, apres vn autre: apres quelque chaſteau, & ainſi iamais contents, touſiours abbayans ſur le terme aduenir: o le pauvre conte, ô calcul trompeur, auez-vous parlé au deſtin? auez-vous fait accord avec les trois ſœurs fatales? & encor auez-vous eſté aſſeurez du Ciel? non rien de tout cela: car de tout ce que fol penſe, tout vient au rebours: penſee de fols & temeraires ſ'euanouiſſent comme la fumee: c'eſt le cheual de Canterus Romain, qui ayant fait veu avec certains autres Romains, de mettre à bas les forts murs

de Capue: sortant de sa maison montant à che-  
ual, se rompit le col, & adieu mon vœu, adieu  
ma piaffe & mon entreprise vaine: entreprise  
semblable aux vœux de Cambyse qui furent  
envelopez en mesme peloton de malheur,  
que leur maistre.

La quatriesme chose qui vous à emportez à  
ce desastre irremediable ça esté la presomptiõ  
de beaucoup valoir: voila le coup de vostre  
malheur, c'est le dernier coup de Pegase, qu'il  
donna au monstre marin, pour la belle An-  
dromede: c'est le dernier coup de bec du vaul-  
tour à Promethee: c'est le fault d'Icare: c'est la  
cause du desespoir du furieux Oreste: bref, c'est  
le funeste coup qui assene & abbat à mort  
honteuse tous superbes & orgueilleux, qui n'e-  
stans que simples gardeurs de pourceaux, de  
moutons ou de vaches, se font à croire qu'ils  
sont plus que le conseil de leur village: le ber-  
ger au cul de son troupeau, pense & se fait ac-  
croire que sa houlette de bois est vn sceptre  
dor, & qu'il est digne d'Empire & de Royau-  
me: vous deuiez penser, paurues abusez que  
fortune veut estre honoree & reuerree mieux  
par ceux qui sont sortis de bas lieu & du tout  
obscur comme vous, que non pas des grands,  
qui sentent neantmoins bien souuēt la rigueur  
de sa fiesche & l'inconstance de sa boule: ainsi  
vous faisans accroire que ne valans rien, vous  
valiez beaucoup: qu'estans de paurues gens,  
vous estiez gentils-hommes: qu'estans de pau-  
ures casanniers de Mornaz, vous estiez quel-  
ques

ques grands Polyphemes: ouy vraiment, vous auez esté Polyphemes à vn œil, mais Vlyssé vous la creué, c'est à dire, Prudence & sagesse que vous auez mesprisé arrogamment à puny vostre folie & vous à fait descendre icy bas, dans le labyrinthe de pleurs, & de repentis irremediabls. Ce fol d'Athenes duquel parle Plutarque qui couroit au port au deuant des Nauires, qui arriuoyent, à esté frappé de mesme maladie que vous, il pensoit beaucoup valoir, il croyoit estre riche au possible, & que toutes ces manieres chargees d'infinites richesses, qui desarboyent au port fussent siénes, & couroit de tous costez pour donner ordre à les descharger & mettre en magasins & cependant il n'y auoit rien, & neantmoins il se cuidoit beaucoup vouloir, mais outre cestuy-cy vous ressemblerez à Cippus, vous auez les cornes, on se mocque par tout de vous, on en fait des ja des contes, des Rondeaux, des Pasqu'ls, & des Rebus plus plaisants & crotelques que ceux de Picardie: n'auéz vous point de honte de vous promettre telles choses, vous qui n'estiez rien que de pauvres feronniers, sans cheual, sans marchandise, sans argent & moyens lors que vous vinstes à Paris: & que diable en vostre col, côme vous l'aurez bien tost, n'auéz vous pas payé vos hostes à qui vous deuez à l'un vos gistes, à l'autre d'argent presté, à l'autre vn repas, bref à tant de gens à qui



vous deués, que ne les auez vous payés, puis qu'auuez manié tant de deniers: vous auies si bonne opinion de vostre fripperie que vous vous en estes surhausé si haut que la cheute en a esté mortelle: en ce credit si insolent: en ceste piaffe si desordonnee, si vous eussies eu le temps, vous eussiez voulu mager des macquarons du grand Turc, des saints delicieux du Roy de Perse: faire reuenir la manne du desert par vn de vos gens enuoyés vers Moysé: bref ie voy à vostre trongne arrogante que vous eussies voulu esgaler en grandeur ce Roy Person Cyrus qui faisoit trainer son carrosse par quatre Roys, les iours de ses Festes solennelles: & aux autres iours par des Princes & grands Seigneurs, en pipant vostre bon Roy, auquel ie teray sçauoir tantost de vos nouuelles qui le rendront bien esbahy entendant le lieu de vostre demeure en ces bas lieux) vous aués sceu si bien accommoder & colorer vos ruses, qu'il semble que Mahomet n'a point esté plus accort: lors qu'il nourrissoit des pigeons qui luy venoyent becqueter en l'oreille, & ainsi faisoit accroire que c'estoit le Saint Esprit qui luy reueloit ses Propheties: ainsi vous auiez fait à croire pour vous encrer & caser au dessus du Louure, & fripper les despouilles du Conchin, que vous esties tres-deuots seruiteurs du Roy, & que ce que vous faisiés c'estoit pour luy dōner passetemps Madefy, dit l'Italien, ça bien mieux esté pour ferrer vostre



bourse & vous donner le plaisir à vous mes-  
 mes: & par telle hypocrisie vous avez eu le  
 haut crédit, vous vous estes assez par mesure  
 hypocrisie que ce fin Numa Pompilius, qui  
 a regné quarante trois ans, faisant accroire  
 que la nymphe Egerie luy dictoit ses loix:  
 mais comme Spurius, Melius, fut accommo-  
 dé cōme il falloit, par les Citoyens Romains,  
 qui descourirēt le dommage qu'il leur bras-  
 soit: ainsi ô genereux François vous appelle-  
 rez vostre liberté, l'arracherez des mains a-  
 uares de ces cruels estrangers, qui vous ap-  
 pellent publiquement, ( mais meschamment  
 & à tort ) Ligueurs, par ce que ne voulez,  
 comme sages & preuoyans au bien du Roy  
 & de la France, ce que ces alterees & sanglan-  
 tes sangsuës demandent dessus vous à vostre  
 ruine: monstrez vous au besoing, estoufez  
 ceste teste Catilinaire, mais plus pernicieuse:  
 opposez vostre generosité pour le bien du  
 Roy vostre bon Prince, pour vostre patrie  
 cōtre ces affamez qui cōme Lyons & Loaps  
 sanglants taschent de vous decorer & perdre.  
 Il leur sembloit desia qu'ils auoyent le fauo-  
 rable astre de la Cheure celeste pour eux:  
 c'est a dire, qu'ils seroyent heureux sans con-  
 tredit, qu'ils auoyent les premices de vos  
 vignes, & de tous vos biens, voire que sur vos  
 fils nouuellement naiz, ils imposeroient tri-  
 buts & gabelles comme les Iuifs, ô fureur de-  
 sesperée, serez vous sourds ô François? serez  
 vous stupides & couards? non vous aymez

vostre Roy & vostre patrie, n'y laissez habiter l'estranger : le Serpent appriuoisé, n'appriuoise point son venin, prenez vous garde, car ils sont comme la Chieure Scyrienne qui rend tousiours mal pour bien: de vos biens, ils vous feront la guerre, ne faictes comme l'estourneau qui fait le glus dont il est pris: si n'y pensez de bonne heure, vous ferez comme l'Aigle qui fournit la plume pour enpanner la flesche, dont elle est tuée, ce seroit pour vous la playe de Chiron, sans remede: ils se reposent avec telle confidence sur la bonne grace du Roy qu'ils abusent, qu'ils ont la lance de Ceneus, qu'ils seront inuulnerables, & que ne les oserez ny regarder ny toucher: ne craignez rien mes vail-lants & genereux François, la peur n'a iamais assailly vostre courage magnanimé, vous n'avez iamais esté asseruis souz vn ioug estranger, monstrez vous hommes.

Je confesse vraiment que c'est vne grande vertu & fort recommandable de sçauoir plaire aux Roys, Princes & grand Seigneurs, & à la verité tout bõ & loyal subiect se doit façonner à cela de tout son pouuoir, il y est tenu, il le doit faire, puis que le Roy est l'Image viuât de Dieu en la terre, mais de complaire aux Roys, par boufonneries, par flatte-ries, piperies & autres moyens illicites & defendus, cela s'appelle tromper, deceuoir, hayr & trahir le Roy: amitié qui mord, c'est haine mortelle.

Je viens a vous finalement ô nostre bon Roy tres-debonnaire, vos predecesseurs Roys de tres-heureuse memoire Charles 6. Charles 7. Charles 8. & 9. François premier: Henry 3. Henry le grand vostre Pere & nostre protecteur, l'honneur des siecles, l'amour des gens de bien: la terreur des ennemis estrangers & domestiques: Louys 11. & autres Roys ont eu des hommes qu'ils aymoyent particulierement, mais c'estoit pour leur braue esprit & pour bons seruices, ceux-cy ne vous ont rendu, ny à la France aucun bien ny seruice, car ils n'ont aucun esprit qu'à vous piller & saccager: loger les cœurs de vos subiects s'ils pouuoient dans le mescontentement & haine contre vous ( que i'a n'aduienne,) & vous leur donnez si grandes richesses, ils se mocquent de vous, & vous les aymez & tenez pres de vous, ha, Sire, nostre bon Prince, faites au nom de Dieu que vos dons & presens soyent bien employez à gens qui le meritent, & qui ont porté leurs biens & leurs vies pour la defense de vostre Royaume: voyez, Sire, dans l'ancienne histoire Romaine, vn homme qui a dignement merité honneur & recompense, c'est ce tant renommé Lucius, Cicinius, Dentatus, qui pour sa hardiesse & cœur genereux, a esté surnommé l'Achille Romain, qui s'est trouué en six vingts batailles fort douteuses & dangereuses, y ayant receu quarante cinq playes notables, par le deuant, pour la defense &



honneur de sa patrie: il en a esté recompensé tref-dignement par l'honorable Senat Romain, qui luy donnerent huit Couronnes d'or: & saize fois l'ont couronné de la Couronne Cinique, outre les loyers de quatre-vingts & trois chaisnes d'Or: de cent soixante brasses d'or: dix huit haches d'armes, d'honneur, luy faisans c'est honneur de s'estre trouué neuf fois au triomphe de leurs Empereurs. C'est telles gens, Sire, que deuez recompenser: regarder les merites de vos bons seruiteurs qui se sont vieillies aux guerres avec Henry le Grand vostre Pere, & qui aujourdhuy ne respirent que de vous rendre à toutes occasions les preuues de leur fidelité & amour euuers vous: il ne faut point oster le pain des enfans pour le donner aux chiens: ceux cy sont estrangers: les autres sont vos amys, alliez & domestiques: ceux cy sont oyseleurs & pipeurs: les autres sont Princes, hommes sages & vertueux, mais nourris & esleuez aux braues mestiers de Mars, & de Pallas dans le Royaume.

Bref, Sire, nous esperons tant au secours du Ciel & de vostre genereuse noblesse, que nous verrons par vostre sage conduite la France en repos: l'estranger & ennemy deschassé & vous comblé de benedictions temporelles & eternelles, & ne soyez contristé, si ceux cy pour leurs maluersations ruses, cautelles, perfidies & tromperies sont destinez aux lieux ou cest qu'eux & leurs sem-



blables recoiuent les salaires de leurs mes-  
chancetez. Dieu vous conserue en longues  
& heureuses annees. Ainsi soit-il.

MERCURE,

Hau, Lyochares? plaist-il mon maistre.

A SERCURE,

Fay ton office.


LYOCHARES,


Allons, il est temps: Charon se fasche, les  
Iuges s'ennuyent: ha! miserables il n'y a plus  
d'espoir, car.

Charon, grand nautonnier iamais ne re-  
passa aucun esprit humain pour retourner  
deça.

F I N









1. so

Q.

